

Arkiv	Saksbehandlar	Møtedato	Sak nr.
613.1	Knut Øyjordet	05.09.17	25/17

SPØRSMÅL OM KVOTE PÅ RYPEJAKT SESONGEN 2017/18

Saksdokument:

1. Tidlegare saker om fastsetting av kvote på rypejakt.
2. Resultat frå rypetaksering.

Saksutgreiing og vurdering:

Det har også denne hausten vorte gjennomført taksering av lirype, dvs. i området Steinflybakkane, fremst i Russdalen, Dyrtjønnlie/Griningsdalen, Veolie/Veomyrene, området mellom Lemonsjøen og Tesse, samt på Bringen. Dei same personane har vore nytta som dei siste åra. Det er ikkje gjort noko berekning av bestanden, dvs. talet på fugl pr. km², men det er lagt vekt på å få eit bra inntrykk av produksjonen, ved registrering av talet på kull og kullstorleik. Opplysningar frå takseringane, frå treninga i treningsfeltet og frå personar som ferdast mykje i fjellet, har som tidlegare år gjeve eit grunnlag for å vurdere eventuelle reguleringar av rypejakta.

Bestandane av både lirype og fjellrype har vore under middels dei siste 7-8 åra, men det var ein merkbar oppgang både i 2013 og 2014, og i fjar. I år ser det også bra ut. Det har vore ein fin sommar for rypene, og med ein merkbar oppgang i smågnagerbestandane. Det er mange faktorar som spelar inn for å få eit optimalt og godt produksjonsår for rypa, men så langt og med grunnlag i m.a. takseringane, så ser det ut til å bli eit middels bra år. Det er registrert enkelte store fine kull, og kjuklingane er store. Men det endelege svaret på produksjonen får vi først ei stund ut i jakta. Spesielt gjeld dette fjellrypa, for det er som vanleg vanskeleg før jakta å seie noko sikkert korleis årets produksjon av fjellrype er. Tilbakemeldingane så langt er i alle fall positive også når det gjeld fjellrypa, med fine kull og "store" kjuklingar.

Bruk av dagskvote vart innført for første gong for fem år sidan, og dei to sesongane før det vart jegerane oppfordra til "moderasjon". Fjellstyret har tidlegare vedteke å prioritere bruk av kvote framfor andre reguleringar, og har lagt vekt på si forvaltning at flest mogleg skal få tilgang til jakt gjennom heile sesongen. Bruk av kvoter er generelt vanleg i dag og er allment akseptert i jegermiljøet, noko som spørjeundersøkinga blant dei som løyste sesongkort i 2011/12 og 2012/13 underbyggjer. Vi veit ut frå jaktrapportar at jegerane ikkje skyt mange ryper, heller ikkje i gode produksjonsår og utan kvoter. Det viser at naturopplevinga er viktigare enn hausting av vilt. Jaktrapportane og talet på selde kort viser elles at jegerane tek omsyn til rypebestandane i år med dårleg produksjon, ved å jakte mindre.

Vedtak:

Med heimel i fjellova § 23 vedtek fjellstyret for jaktsesongen 2017/18 å nytte ei kvote på 2 liryper/fjellryper pr. jeger pr. dag. Vedtak om dagskvote på 2 ryper blir gjort med bakgrunn i

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

resultat frå takseringar, bruk av treningsfeltet og andre tilbakemeldingar. For dei som løyser korttypen ”døgnkort”, og der jakta skjer over to dagar (datoar), gjeld kvota på 2 ryper for eitt døgn. Opplegget for småviltjakta blir elles som før, jf. vedtaket i sak 10/15.

Rett utskrift.

Etter fullmakt

Knut Øyjordet
Dagleg leder

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no